

0067



# ZIMBABWE SCHOOL EXAMINATIONS COUNCIL

General Certificate of Education Ordinary Level

**SHONA**

PAPER 1 Rondedzero neNzwisiso

**4007/1**

**NOVEMBER 2022 SESSION**

Maawa maviri

Additional materials:

Answer paper

0066

**NGUVA:** Maawa maviri

## RAYIRO KUVANYORI VEBVUNZO

Uchapiwa mapepa okunyorera mhinduro dzako.

Nyora zita rako. ~~Ob~~ hamba yenzvimbo yauri kunyorera nenhamba yako yawakapiwa somunyorori papepa roga roga remhondiro rawashandisa.

Pindura mibvunzo yose.

Mibvunzo yose inofanira kupindurwa neChiShona chete.

Ukashandisa mapepa anodarika rimwe, asunganidze pamwe chete.

0065

## ZIVISO KUVANYORI VEBVUNZO

Zvibodzwa zvakapiwa muzvikomberedzo izvi ( ) pamagumo pechidimbu chemubvunzo, uye Izvi [ ] panoperera mubvunzo woga woga.

**Bvunzo ino yakanyorerwa pamapeji matanhatu nemaviri asina kunyorwa chinhu.**

Copyright: Zimbabwe School Examinations Council, N2022

©ZIMSEC N2022

**[Enda kuseri**



1 2 3 4 5 6 7 8 9 0 1 2 3

## CHIKAMU I: RONDEDZERO

Zvichakubatsira kuti upedze **awa imwe chete** pachikamu chino.

Sarudza musoro **mumwe chete** pane yose yakapiwa. Ugonyora rondedzero yemhando yawasarudza nemazwi ari pakati pe**450 ne500** kana kusvitsa mapeji **mana**.

- 1      (a)      Matambudziko anounzwa nokuya kwakaita dziva mupengo
  
- (b)      Nyora nyaya inodudzira tsumo yokuti, “Idya nehama mutorwa anehangamwa.”
  
- (c)      Nyora nyaya inodudzira ne chirevo chinoti Mhosva hairovi
  
- (d)      Nyora tsamba kuhama kumupepeti wepepanhau raunoda uchipa zvikonzero zvinoita kuti vashandi vemuno munyika vaende kunoshanda kune dzimwe nyika.
  
- (e)      Nyora hurukuro pakati pemusikana no mukomana. Mukomana anotsoropodza mapfekero ave kuita vanhukadzi navasikana mazuvano achiti haana kunaka uyu musikana achipikisa achiti akananaka.
  
- (f)      Nyora tsamba uchizivisa chikoro chepedyo nemi kuti tirikuda kutamba nhabvu yeushamwari nemi.”

[50]

[Enda kuseri

**CHIKAMU II: NZWISISO NEPFUPISO**

- 2 Nyatsoverenga nyaya inotevera ugopindura mibvunzo yose inoitevera neChiShona chakanaka.

Ndinodavira kuti akanga ava kurwadziwa zvakananyanya apo akataura zvakare neizwi raishoshoma. Ndakanzwira mumwe wangu tsitsi ndikamugumbatira. Mukoma Gaba akaramba achitaura asi pari zvino akanga asisaiti musere kwete. Aiva okurukura mashoko akadzama. Mazwi esungano yedu. Matama aizivikanwa nevapenyu navafi vose veZimbabwe. Aiedza kundikomekedza kwazvo.

Mashoko ake handifi ndakaakanganwa kusvikira murufu nokuti imbuva youpenyu hwangu. Akati, “Chionaika Mukoma Shingirirai, ini ndava kukusiyirai basa rakakosha kwazvo. Basa rokusunungura Zimbabwe. Mushando unorema samare, asika zviuya zvisiyiranwa. Ini ndavakunosangana namagamba ari kumhepo. Saka iwe wochiramba uchipfuudzira zvido zvoruzhinji mberi. Kwete zvido zvako iwe kana kuti zvomuvengi.

Viva Zimbabwe!  
Pamberi nokushinga!  
Pamberi nechimurenga!  
Pasi nevasvetasimba!

“Dai waro, Mukoma Tino, mangopinda muZimbabwe itsva musina kutengesa zvido zvavanhu. Ini ndinodada nokuti ndafa ndichirema segomo rino iri ratiri. Zvino kana iwe ukatengesa Zimbabwe kuvavengi, uchapeperekera sebepa chairo.

Usaita chivhundukamapete hana yegonzo. Usatsva guni somutakura. Mbuya Nehanda uye magamba mazhinji akafa achirwa. Nhasi ini ndafa ndichirwisa muvengi. Ko, iwewo, nhai Komuredhi Tino...too...nga?” Akandandama achizviruma rurimi. Akandibata zvine simba, akandidana zvakare, “Komu... Shi... ngi... ri... ra... i Ti... no... to...to...nga Zi... mba...bwe.” Simba rakapera, akafema katatu, ndiye zi-i akadaro, nokuti mweya wakanga wabuda maari.

Ndakasara ndichijohonywa-johonywa nokubaiwa-baiwa nemazwi okupedzisira akanga achangobva mukutaurwa naMukoma Gaba. Ndakatangisa kutaura neshamwari yangu yandainyatsoziva kuti yatova mushakabvu. “Chinzwaka Comrade Gabarinocheka, nemi tateguru murere apo, ini ndinotsidzira, pamberi penyu kuti ndichapfuudzira mberi zvido zvemhomho yeZimbabwe. Imi zororai zvenyu murugare. Ndicharwa sasahwira wangu uyo akati kwati kumadziro uyo.” Iyo shato yacho kana kumboita zvayo hanya neni, inenge yakanga yatokotsira zvayo sezvo yaiva ichangobva mukusvuvura kwayo. “Ini ndicharamba ndakashingirira kusvikira tatonga

Zimbabwe.” Ndakaradzika shamwari yangu zvakanaka ndikaita zvose zvinodikanwa pakuchengeta murwi. Ndakambobuda panze ndichida kumema nokushora kuti kunze kuri sei. Pandakangoona chete kuti kwakafura mhupo ndakabva ndatora zvombo zvangu uye zvaGaba ndokusiya ndapfiga bako riya.

Ndaida kupoya nhambo dziripo, ndiyo mhaka ndakakambaira ndichidzika negomo racho. Ini ndaizviziva kuti magora haabvi pane nyama. Ndaizviziva kuti kana kwangoedza chete masoja aizonzvera gomo rose achivhima zvitunha zvedu. Kana vaiwana mutumbi wemuComrade, zvechokwadi, vaipembera nemisha yose. Chete musu mumwe gava rachadimbura musungu. Pose pandaifamba apa ndaive ndakazarirwa neshungu kuti shutu. Somurwi ndaifanira kuputsira shungu muzviito kwete mumisodzi. Sezvo kwaiva nemhindo, ndaingopuvirawo murimamo. Ndava kumucheto kwegomo ndakagumburwa ndikarovera paruware, izvo zvavhundutsa masoja aiva ari seri kwedombo raiva pedyo napandakawira. Tochi yavavengi yakasanganyidzana nedhongi raitozvirovera zvaro mutsindo pasi richizvidyira mazhanje aro, seri kwedombo.

“A, idhongi nhai! Ngatidzokerei zvedu.” Ndakakwenya mhino nakasiyanwa. Masoja akadzokera panzvimbo asiwo ndakanga ndanzwa nokutukirirwa.

Kana ndiri seni ndakasvotwa zviya zvokusvotwa, ndikabitirirwa nehasha. Pfungwa dzorufu rwavamwe vangu uye mazwi aMukoma Gaba, zvakanipa chivindi chinenge cheshumbakadzi yatorerwa vana vayo, ndikaita zvisionekwi. Ndakazvongonyoka semhungu ndakananga kuvavengi vangu. Ndaida kundoshora usavi hwangu.

“Vakanga vakatungidza kamwenje. Ndakaverenga ndikaona sokunge paiva navarume gumi navaviri. Aiwa kani, seri ikoko zvikara zvakananga zvakanapa nyemba nomusana. Varume ava vakanga vakarasa muswe. Hwakanga huri huchi hwadonhera pamuromo. Vamwe vaviri ndivo vaivhura magaba. Ndinodavira kuti akanga ari ebhifi nokuti munhuwi wacho wakanditi kape mumhino mangu. Dai paiva norufaro ndaidai ndakananzvira nokuti ndakanga ndakwana nenzara.”

(Yakanhadzurudzwa kubva muna *Zvaida Kushinga* rakanyorwa naC.S. Makari)

- (a) Nyaya iyi iri pamusoro penguva ipi munyika yeZimbabwe? (1)
- (b) Kubva pamatauriro aMukoma Gaba, chii chinoratidza kuti vange vava kutandadza? (1)

- (c) Doma izwi rakashandiswa mundima rinoreva munhu akafa. (1)
- (d) Chii chiri kunzi naShingirirai sahwire wake ari kumadziro, mubako maaiva? (1)
- (e) Shingirirai anorevei kana achiti mashoko aive mbuva youpenyu hwake? (2)
- (f) Tsanangura zvinhu zviviri zvakapa Shingirirai chivindi chinenge cheshumbakadzi. (2)
- (g) Kutengesha Zimbabwe kwaitaurwa kwaiva kuita sei? (2)
- (h) Tsanangura ndevo dzinotevera sokushandiswa kwadzakaitwa munyaya yawaverenga.
- (i) Zviuya zvisiyiranwa. (2)
- (ii) Ndafa ndichirema segomo rino iri ratiri. (2)
- (iii) Sezvo yaiva ichangobva mukusvuvura kwayo. (2)
- (iv) Kwakafura mhupo. (2)
- (v) Magora haabvi pane nyama. (2)
- (i) Nyora pfupiso yenyaya iyi nemazwi ako asingapfuuri **makumi mashanu**. (10)

[30]

**BLANK PAGE**



**BLANK PAGE**



